

ولله الحبيب أحمد في العزب
لعله تنوع على وجهه


يسرى العزب
٨٤/١٠/٨

مطبوعات الفجر
كتاب أدبي غير دوري

- ١ -


تغريبة عبر زاق الهلالي

دراما شعرية :
يسرى العزب



الى ...
عبد الرزاق أبو سعدة
في ديمشلت دقهلية
فلاحا مصريا أصيلا
والى .. أصدقائي
.. فلاحى مصر الشرفاء .

يسرى العزب



اشارات هامة

حول (تغريبة عبرزاق الهلالي)

● هذه الدراما الشعبية - في تصور المؤلف - تقوم ببطولتها قرية بأسرها ، تتجسم أحيانا البطولة الشعبية في (عبرزاق) أبو سعدة ، الذى هو فلاح حقيقى يعيش في قرية (ديمشلت) والذى خاض التجربة كلها وكان نموذجا لكل فلاحى مصر خلال الفترة من (١٩٥٢ - ١٩٨٠) .


● من هنا كان دور المخرج في ترجمة هذا العمل على المسرح دورا أساسيا وهاما ، ولذا لم يشأ المؤلف أن يعطيه أى إشارة تخص التنفيذ ايمانا منه بضرورة أن يوظف المخرج رؤيته الفنية الحرة في تشكيل رؤية الكاتب ، لأن الدراما - قبيل أى شىء - هى محصلة جهد مشترك بين النص والرؤية الاخراجية التى تسعى لترجمته مستخدمة عناصرها الفنية في نقل **دراما النص الى دراما العرض المسرحى الشامل** .

● يمكن توظيف بعض مناطق النص موسيقيا وغنائيا دون حاجة الى نصوص غنائية تضاف المخرج اليه فاذا احتاج ذلك فما عليه سوى الرجوع للمؤلف الذى يستطيع - وحده - خلق هذه الاضافة .

● الديكور ملك للمخرج يتصرف بشأنه كيف يشاء ، وليته ينتقل الى القرية (ديمشلت مركز دكرنس دقهلية) فمسجد فيها الكثير الذى يمكن توظيفه في خدمة الديكور . مع تمنياتى للمخرج والفرقة بالتوفيق ؟

يسرى العزب

١٩٨٤/١/٣١



المشهد الأول

- الفول -

- كان جاى شحات
- كان جاى ولا حاجة
- كان عيل حافى معمص
- عيان ، هفتان وممصص
- كان ماشى ورا امه الشحاته
- بتبيع للنسوان ٠٠ البخت
- من فين جايين ؟
- ولفين رايعين ؟
- دول ناس على باب الله
- يا سلام !!
- وبلدنا طريق مفتوح ع البهلى
- لبلاد الله
- ولخلق الله
- من كل مكان الناس داخلاه ؟!
- ونروح لبعيد على ايه ؟!
- الجامع ده ،
- ومقام الناييم جواه ؟
- سيدنا العارف بالله

- كان جاى منين ؟
كان جاى منين ؟ !
- ده لان بلدنا امان
والناس فيها غلابة
فاتحين السدر تمللى لاي غريب
يستوطن فيها
- يشتغلوا شوية شحاتة ،
شوية حدادة ، شوية نجارين ،
- بياعين فجل ، جوافه ،
- حشيش
- قتالين قتلى ،
- صنايعية ،
- سواقين ،
- خبرا اجانب ،
- معدومين !!
- بعد يومين ، بيصبروا بنوك
- وملك
- وبلدنا العامية الغلابة تعيش
السدر رحيب
وكلام الرب طبيب
والصبر يداوى جروح الخلق
- الصبر يداوى جروح الخلق ؟
- الصبر يداوى جروح الخلق
- وان واحد يوم اتالم

- ان واحد يوم اتكلم
- ... ما يطق
والكلمة الحق تموت في الحاق
- دا فلان اشترى فدان
من خمسة ، سهم بسهم
قيراط بقيراط ؟

- مكتوب له الرزق .
- وفلان اشترى عربية لنقل البنى آممين البندر ؟
- كترخيره .

- وفلان بقى تاجر من غير رسمال !!
- يستاهل

- وفلان الغلبان بيموت !!
- أعمار

- وفلانة الغلبانة بتولد

- مش ناوية تجيبها لبر

- ولا عايزة تبطل خلفه

- وفلان راح ياخذ بنت فلان

- يتقنيل على عينه

هو مفيش غيرها

« علان اللى بيقول ...

عنده ست ولایا بايهم هقفل »

.....

- وصاحبنا كان جاى ..

من غير اسم ..

- من غير رسم ..
- من غير عنوان ..
- الله يرحم
- لتمسكن لما اتمكن
- بقى اسمه الغول
- بقى زى الغول
- بقى عنوانه بلدنا
- صار واحد منها
- مش واحد عادى
- بقى سيد ...
- الغول ربنا يديه العافية
- يلهدف من بق الخلق اللقمة ويكبر
- والناس بتعيش بالعافية
- يا عمى ... تبقى ف بقك ..
- ما كانتش ف بقى ف يوم
- وعشان كده مش نادم على شينى ..
- طب ليه تدفع نص الشينى
- الى ف جيبك ..
- أجرة كونك سردينه مسافرة ..
- ف قطر الغول ؟
- ما أقدرش ..
- علشان محتاج البندر

- طب ليه تدفع ؟
- ما اقدرش ..
- العمدة معاه ،
- والخلق - جميع الخلق - معاه
- والغول شيخ منصر
- غول مستعفى •
- تصور
- يسرق اسم الزراعية ؟!
- يسرق جامع تاج ؟!
- ما اقدرش اتقول
- دا انا بس بافضفض
- قول ..
- لو (شاور) شاور عقله يرخص
- مرة الأجرة قرشين
- (الغول) يطرد بنته
- وعيالها الاتنين
- تغلى الأجرة تمللي
- والعداد مفتوح ع البهلى
- ويزيد قطر الغول عربية
- تكثر علب السردين فى بلدنا
- بتهيالى ..
-
- بلدنا دميا •

رغم غناها ورغم زيادة ناسها

« عدد سكانها أكثر من عشرين ألف »

بتهيألى ..

بلدنا دا هيا رغم غناها ورغم زيادة ناسها

علبة سردين .

سردين حى

الواحد منا بياكل لحم الثانى النى

وانا واحد منهم ..

وهاروح النار ..

مش باكل لحم الغول ؟

وبا أقول لك امه

أنا مش خايف منه

مش خايف م الغول

لكنى خايف م النار

والنار بتهيألى

زى بلدنا دا هيا

- كل بلدنا دا هيا ؟

- فلاحينها

شغالينها

حتى المتعلم منها ..

- بتهيألى ..

حته من ملك الغول

.....

وانا باستغرب

بـاسـتـقـرـب

هل ربنا راضى عن ده ؟

- طبعاً راضى

- والا ٠٠

ما كائنش اداه


ولا كان خلاه

الحاج

ولا كان اداه مفتاح الدار

ولا كان اداه مفتاح النار ..

* * *



المشهد الثاني

عبرزاق ٠٠

- بيسميه الناس العزاق
- اللابس ستائر حته
- من جلابيه قديمة
- الفاتح صدره الله يقويه ويديه العافية
- عند الناس العزاق
- الهايف
- العرة
- الترويمة
- وبرغم جميع الأشياء
- ما بيستغنوش عنه
- أكثر م الملح ف لكمة عيشهم
- بتخانقوا عليه
- وف نفس اللحظة يتفوا عليه
- لجل ينسوه نفسه
- لكنه ف يوم مانسيش
- وان كان زى كلامه
- بعتر عمره ع الناس بفشييش
- فدا لجل يعيش
- ويعيش من بعده ولاده

- يمكن يبقوا أحسن حظا منه !!
- والله ما باين
- دا الواد البغل ابن البغل ...
- لميت له ستين ساغ بالتيلة
- وجريت به على دمياط
- شغلته ف مصنع منسوجات
- ما نفعلش ؟
- اتلاموا عليه الأولاد
- كان زى الطور برضه
- لكن ما عرفش يجارى الجو
- رجع خايب نايب
- زى أمه وأبوه
- يمكن علشان الباقيين يصحوا
- الله .. لو كان الباقيين يصحوا
- يطلع منهم واحد فاهم ؟
- لو ان العبرزاقات فى بلخفا
- طلع من دار الواحد منهم
- واحد فاهم ؟
- هافوق الكل
- وبروق البال
- ويصير الحال معدن ممتاز
- قوم صحى الباز
- اديله الربع جنبه المتحوش
- تحت الدرس

وتعالى وقول

- أنا حاجي قوام
- « يروح في الضلعة بسرعة منزو »
- اديني بطاقتك ياد ...
-
- اسمك ؟
- ما هو مكتوب قدامك ايه
- مكتوب
- المكتوب مكتوب
- بتشوفه العين .
- بعد سنين
- متشعيط ع القلب ومكتوب
- بس المطلوب يا صاحبي ايه
- يا ابني اسكت ..
- مش ساكت ..
- ايه المطلوب ؟ .. لو اعرف ..
- ماكنتش اضيع كدمه
- ولا اني اعرف لي طريق
- باتمنى أموت دى الوقت أهه
- يا بني اسكت
- بكفاية سكوت
- ياخراي ياناس
- حتى كتيرة عليكم قولة أنا نفسى أموت

- المهنة ؟
- هاو .
- فلاح . نابه جوز فدايعين م الاصلاح .
- بين الفدان واخوه
- حماالتين في أرض اخوه
- اللى وخدينها م الاصلاح
- بينوبه م الفدانين الجوز
- بعد التسويق .
- بعد حساب الاصلاح
- ديجى سبعة جنيه في الزرعة ؟!
- وبيشكر ربه الكاتب
- وبيشكر فضله المكتوب
- وبيتاوب
- ويصلى في الفيط
- وينام .
- يحلم بالزرع الجائ
- وينس ؟
- عايز تعرفنى لايه ؟
- ده انا حر الشمس
- أنا كل الناس ، القلب المتدارى
- بيلسع
- أكثر من نار الشمس
- يابنى ما أقصدش
- بتقول انا مين ؟

دقي يا مزيكة ..
 هاتحقي ليين ؟
 رقصنى يا عم نصيف
 - يا ابنى اعقل ..
 - أنا مش مجنون ، أنا عقلى نصيف
 دا أنا بارقص طربا قدامك
 شايفك ميسوط بارقص لك
 « دا أنا بارقص ضحكك عليك »
 - أنا عايزك تعقل حبه
 - آه لو تعرف ؟ ماكنتش تعمل
 م الحبة قبه
 - لو تعرف
 - عارف ..
 ماكنتش أتسائل عن شىء
 ولاكنت اتساهل فى شىء
 ولاكنت أطنش
 ولا ابكش
 ولا اكرمش فى الصيف م البرد
 ولا افرش وياك لجل اتدق
 ولا احسش بيا وباللى جارى لى
 وإنسى المطلوب
 واقرا المكتوب وأنا امى
 وامى ربتنى زى الناس
 لامش زى بقية الناس

أُمِّي رِبْتَنِي ، عَلَى قَوْلَةِ النَّاسِ ،

تَرْوِيمة

- تَرْوِيمة ؟!

- آكَلْ مِنْ حَلَلِ النَّاسِ

وَاشْرَبْ مِنْ قَلَلِ النَّاسِ

أَعْمَلْ زِي النَّاسِ

وَإِكْتَرَمِ النَّاسِ

وَلَا أَحْسَشْ يَوْمَ بِيَا

وَبَالِلِي جَارِي لِي

أَنَا مِين ؟ وَمَنِين

- أَنَا وَاحِدَ عِبْرَزَاقْ

- مِنْ (دِيهْ شَمَلْتِ) دَقْهَلِيَّة

- مِنْ عَيْلَةٍ فَقِيرَةٍ وَمَنْسِيَّة

- مَنْحَتَهَا الثَّوْرَةَ بَعْضَ الْأَطْيَانِ

مِ الْأَصْلَاحِ

- يَعْنِي أَنَا مِنْ ذَاتِ الْأَطْيَانِ

« يَرْمَحْ فِي الضَّلْمَةِ بِسُرْعَةٍ مَنْرُو

وَفِ لَحِ الْعَيْنِ يَرْجِعْ

- أَنَا جِيْتُ ٠٠

أَنْتِ أَنْ جِيْتُ لِلْحَقِّ

مَا رَحْتَشْ وَلَا جِيْتُ

- أَنْتِ هُنَا عَلَى طَوَّلِ

« أَنْتَا فِي الْقَلْبِ الشَّبِيءِ الْمَعْقُولِ ٠٠

وَبَدُونِ مَا تَحْسُ بِتَدِينِي »

- أَكْثَرُ وَحْيَاةِ رَبَّنَا مِمَّا بِنَاخِذِ

- مَتَشَكَّرْ

دانا مهما ادبت
 ما اقدرش ارد جمالك
 - انت بتسندنى
 - بتشد ف حلى
 - بتخلينى اقف على حلى
 - وعمرى ف يوم ما انهار
 - عمرى ما انهار
 وانت ورايا جدار
 - يخرّب عقاك يا عب...
 « يضحك عبرزاق...
 يشرب عبرزاق...
 نفسه مفتوحة للضحك
 يبكى من كثر الضحك
 اتقطع من جوه
 نفسه طوييل
 تنقلب مصارينى ف بطنى
 بقوة
 يتقلقل قلبى ف سدى
 من كثر الضحك
 - يا صباح الال يابيه
 « اسمع صاحبى يصحبنى »
 - يا صباح ال...
 نتوكل ع اللى بياكل
 نمشى...
 يسندنى عبرزاق

واسند عبرزاق

نمشى ..

أنا لجل ما اشقر ع البيت وارجع
أما هوه ، فلفيط راسا

- يا كل ويا ناحصواية الملح
ولقمة ناشفة ويتوكل

« يشرب عرقه اليوم كله »

من دمه ينتشاقى الزرع

ويشبنى على اديه

ويبوسه ويعزق

ويبوسه ويشهق

ويبوسه ويفرق

- بيحبه المسكين

« بيحب الزرع ونفسه يكون

زرعاية ، نخلة ، توتة ،

جهيزة على وش قنلية

سبلة رز ، أو لوزة قطن

أو حتى انشا الله يكون قهحاية ف أيها غيط

يدى الناس الخير بس ..

- بس يحس بأنه عايش

- والناس عارفاه

لا تقول له : مين انت ؟

ولا جاى منين

- عايز يبقى له مكانة فى الناس

- مش بمثابة خدام للناس

لا بمثابة

- بمثابة ايه يا معلم

ما تصح النوم

الله يرحم

فتحى ابو غنخور

كان بيسمىنى كرمبه مهدولة

- مهدولة

- يعنى مزروعة فى بنينة ف راس الغيط

كل اللي يعدى يحوسها

له حق ..

ما انا لابس ستاشر جلابية قديمة

مافيهش واحدة ،

شادة حيلها

وعايش ملطشة للخلق

اللى يحب يوفر ستاشر راجل

فى عزيق الغيط العاصى

بيعتلى

وانا وحدى أقوم باللازم فى الحال

زى الطور ..

وبا اهد الأرض وبابنيها

ومداس للناس

ورضيت بالضرب مافيش فايدة

ورضيت بالغلب مافيش فايدة

ورضيت يذهب أرضى اخويا ..

شقيقى المش محتاج

دا موظف فى المضرب بمامية

تجبلها عشرة جنيه في الشهر

ثما انه واخذ زبي من أرض البيه

لامؤاخذه يا بيه ..

من أرض الاصلاح ..

- ألا ها الله !!

- بيقول لي اسكت

والله ما انا سماكت

« اسكت يعني قول »

- ماتسييني أقول :

عادي زني ارتاح

وانا عمري ما باتعب من شيل الفاس .

دا أنا لما باقول بارتاح

واديتي باسلي الناس ..

- طب قول ...

- مش قادر أقول

مانتوا قطعنوا حبل كلامي م الرس

يارب ..

أنا ليه احتار .. أتعذب ليه بالليل ؟

بكفاية نهاري مرار !!

يبكي عبرزاق .. نضحك .

يضحك عبرزاق .. نبكي

نركب مهر الثوقان

ونعوم

ونقوم تاني م الصحيان

ونقوم م النوم

نهشى ..

يسفندنى عبيرزاق

نهشى ..

هوا فى طريقه المعروف

ولنا .. فى طريق ثانى ..

.. .

- يا صباح الفل يا بيه

- لو تعرف يا ..

- ثانى يا بيه

- ما تقولش يا بيه

دا انت مدرستى

وعلم وراثتى

وكراستى

وفاسى

- فاسك ؟

- فاسى العزاق فى البندر

- العزاق فى البندر ؟

- انت لو تعرف أكثر

الحبر لقلمى الأخضر

والزيت اللى منور قناديل البندر

انت اللى بتمنحنى توازنى

وبتنصحنى من غير ما تقول

لا أجنى راسى أبدا

ولا اشغفر فوق خالص


لا إتراجع فى الهو

- ولا اطيير في الجو
- اديله ٠٠
- اعزق بالراحة
وبقوة
- أعرق ماتهدش
- أغرق واقب قوام
للفوق
- ليه ؟
- لجل عنيك المكسورة
فيها شبيء
بيشد وجودي لفوق
ويشعني تاني للأرض
- فلاح ؟ ٠٠٠
- باشتل زيك بالضبط
- أشجار التوت ؟
- في غيطان الحنضل
- زيك بالضبط
- بازرع في لهيب الشمس الضل
- يمكن يطرح
- وما يطرح والله ويفرح
به الناس
- بس انتا خليك ع الخط
- واوعى تنساني ان مت
- بعد الشر عليك

- عمرك يا عبرزاق
- ما تشوف الموت
- لو كنت تقول لى ازاي
- وانا زير مليون بالموت ؟؟
- فى قلوب الناس هاتعيش
- ترويمه ؟؟
- أبدا تعظيم وسلام
- للفلاح فى بلدنا الواعى المدرك
- بيقول المدرك
- ازاي وهو مش قادر يدرك
- ازاي ياخذ حقه
- ازاي يمسك ع اللقمة ف بقه
- ما تقسمش لغيره
- ازاي يتعلم مايقولشنى الآه
- آه لو يعرف ؟ !!
- لا يخاف من شىء
- ولا يتسائل عن شىء
- ولا يتسائل فى شىء
- ولا عمره يحس بضيق
- ولا يحتاج واحد زى صديق
- عبرزاق ..
- لازم تعرف كل الأشياء
- لازم
- قبل ما يهرسنا القطر القادم

- أنا شايفه بعنيه الجوز
وبنضارتك ..
مالهوش غراهل
وبايينه ملوش سواق
- القطر دا طور
- م اللي بيهذوا الأرض
- وبيهذوك ياعبرزاق
- يا سادة ..
عبرزاق الصاحي
مايوحه ليكو نداء
- يا عبرزاقين ..
يا عزاقين الأرض البور ..
عبرزاق العشرين مليون
بينادي العشرين مليون
اللى قدامه في الصف
او عوا يغزمكوا القطر
خللوا عنديكو صقور
او عو تتاخدمنكو الأرض
لو تتاخذ منكوا الأرض
البنيت تبور
والولد يدور
من تاني في سواقي الناس
لو تتاخذ منكوا الأرض

يفرمكوا القطر الهراس
خللوكو جدار واحد ..
يتحول قطر الغول لبلاد
وبعيد عنا يغور
ترجع ديمشلت لبنت بنوت
وعروسة على وش جواز
تتجوز منكم عبرزاق
عايق وف ايده النبوت
وتخلف ميت مليون عبرزاق
فايقين على طول
صاحيين على طول



الشهد الثالث

القطر ...

بيتنا دمو
أصبح مزعج خالص
وزفر خالص
كل حيوانه بتنزف موت
ليلة امبارح
شفت صبية معاها كتبها .. كانت
بنت ف ثانوى وحلوة .. كانت
وردة ف عز شبابها
وفاتحة عنيتها لكل الدنيا
شفت عنيتها فى عنين واد
عفريت ومصور
- كانت حلوا اه !!
- كانت حلوة وعايظه تعيش
- جايه بتجرى
- عدت .. أول خطوه
أكلها الريش
- كل بتحبك يا ابو الريش
- كان بتقيد الشمع ف حرك
يوم الجمعة

ب
ب

- كانت شمعة وكانت والعة

كانت وانت بتاع ورنيش

بتغنى لك

« يا ابو الريش ، ان شاء الله تعيش »

تكبر لامك تبقى عريس »

كات بتحبك وانت صغير

كات بتحبك وانت بتكبر

وانت بتكبر كنت بتصغر

واما كبرت دخلت الجيش

فجأة طلعت عليها شاويش

اتفرغت دخلت عليها

- كانت حلوا اه !!

- كانت ورده وانت عجوز

- كانت هي ترش العطر

ف كل مكان

- وانت تخزي من البزبوز

- كات بتحبك وانت فقير

فجأة بقيت بتحبش حشيش

تشرب .. تتخن

تسكر .. تتخن

تخفي عيـربك

تملا جيوبك

تضحك ضحكة وش

وأخر غش

وهي جميلا اه !!

شففت عنيتها مالىها الدنيا وشففتك فيها

زى الطور هراس بزرير

وانت بسرعة بتجرى عليها

شففتك وانتا بتدلعا

شففتك وانتا بتعريها

شففتك وانت بتلوى دراعها

شففتك وانت بتطفى عنيتها

شففتك وانتا بتقطعها

شففتك وانتا بتسويها

شففتك وانتا بتجوعها

شففتك وانتا بتفليها

سبتش فيها ؟

ما سبتش فيها

- ليه ياس حنفى يا قطر الموت ؟

- ليه ؟ ما عرفتش ان الحوت

ما يبيلع يونس مرة

بيخرج يونس

مليون يونس

م التابوت

يا كلوا الحوت

زى ما اكل البنت بنوت ؟

- اخص يا قطر ٠٠٠

كش يا قطر وخذلك راجع

- كش يا قطر يا ملعب حبة

- خللى الناييم ناييم حبه ..
- خللى الصاحي صاحي حبه ..
- خللى الراكب راكب حبه
- خللى الماشي ماشي حبه
- اسمع حبه ، وطنش حبه ..
- صهين حبه وامسك حبه ..
- عيب ياسي قطر ...
- ما تيقاش هانيق
- ما انتقش شايقة
- ايه ؟ فيه ايه ؟
- بنت بذوت ومرسها القطر
- ابعد يا ابني ، امشي فـ خالك
- راحت بنت ؟ في ستين دامية
- امش فـ خالك
- فكرك يعنى الناس بيخافوا ؟
- ما هو يوماني بيهسك فيهم
- واحد .. واحد
- واحدة .. واحدة
- بيوريهم
- ازاي يقتل بالقلوب
- وازاي يقلب في المكتوب
- وازاي يكتب في الملعوب
- وازاي يلعب في المشطوب
- دايما غالب
- ممكن يصحوا ؟

وما فيه

همس
هترو

- لكن هم مش عايزين
- ومفيش واحد يمسح جرحه
- اللي ما يمسح جرحه بايده
- بكرة يمسح ايدو بجرحه
- ليلة فرحه الناس ملتروح
- تبكى عليه الناس وتنوح
- واحد ٠٠ واحد ٠٠ ما عيش نافعة
- اقرا يا مقرئ سورة الواقعة
- اقرا يا مقرئ ؟ بدأنا نفقر
- اخرس انت ولم لسانك
- دا احنا اخوات
- واما القطر بيهرس ما بفرقش
- قولوا نفقر !
- قولوا نفكر !
- ما تفرقش
- لما هانبقى جماعة ف وش القطر
- هانبقى القطر
- ارجع بعيد يا شاطر ٠٠
- لنحجزك في القناطر ٠٠
- لما يبان لك صاحب
- وانت الحقيقة ما تتساوئش
- اوعى تفكر انك دايم
- ما انتش دايم
- وحياء دقن الخلق انتايهة

ما انتش دايم
- يا ابني الداييم مو الداييم
- اسكت انت يا عبد الداييم
خلليك نايم
- مهما عملت عمالك فينا
روحنا قمينة متصحى ف هرة تولع فيك
- ما انتش ديك
- انفس ريشك
برضه هايولع ، يولع فيك
- فاكر روحك اكسبريس
- دا انت يا دوب طالع قشاش
- ولع نارك واحنا وقيد
فحمك طالع واحنا عبيد
بكره نصحي الذوم ونقوم
نبقى جماعة وايد على ايد
- ابعدها ندوس ...
- ارتعد ، يا عيون حبيبتي ،
تسنديني
يوووو ٠٠ يابجر ماليه الذهول
اسنديني
- ايه الحكاية يا عم
انت مع الماشيين
والا مع الواقفين
شوف مصلحة حضرتك وحدك ولا تهتم
واحنا هانعمل جميع الاجراءات
ماشى لورا يا عم ٠٠

- ماشى لورا بيا اعمى

هاتسد نور الشمس

والا تمنع الضلعة

- حلمك هباء يا كوز

زمنك عجوز

وانتا ، لا حول الله ..

بتقضى أيامك بقية الحكم »

...

البنت كان دمها فارش دليل

ع الصدر

ما نشيت صفحة الاعلان زاعق جبان ديقول :

- القطر كان مسطول

هرس البنية غصب

يبقى مفيش قاتل ولا مقتول

« وياشر المهور

وياشر الوكيل القنيل :

تحفظ أوامر حضرة القطر المهول

وتحفظ معاها جميع القضايا

- ويبقى خناق القمر مجهول

« دم البنات ماهش قهر يا خال

والبنت ماهيش بنت

دى البنت حبة عين

وعين صافية

وعين دافية

وعين جالوت »

دم البنات ماهش قمر يا خال »

القطر بيعدى على الجبهة ...

من اليمين للشمال

القطر بيعدى على البزين

من الشمال لليمين

عدى على السرة وع الباقي

- واشحال بقى دم الرجال ؟

- دم الرجال مالى السواقى

بيخضر الصفين

دم الرجال نادى ..

بيشرع الجنبين

دم الرجال ليلى ، بيددر الفلة

ويروى الرز يسقى الثوت

دم الرجال مر لو ينداق

حنضل اذا يندق

علقم فى بطن الحوت »

- اطلع يا حوت

- البنات كان دمها فارش دليل

فوق جامع الأوقاف

- شباكنا من غير ازاز وعمزه ما خاف

لكنه شال الدم

- ما نشيت صفحة الأموات

بيئز حبر أزرق زراق النيل

في نين العين

عنوان ومش باين

- ولع يا عبرزاق

- عياة فلان الفلاني

بتشكر كتير خالص

كل من واساها

في زهرة صباها

الأسوف عليها

العروسة البريئة

الرقيقة (نقط)

وتخص بالشكر

حضرة المعلم الكبير خالص

حنفي القطر

وكل الشغاليين في القطر

من مساعدين ، وعطاشجية ، ونظار ، وكهسارية ،


وبياعين اب وسجاير وحرامية ونصابين ، ومرتشين ،

ولاهين السبارس ، وبتوع التشهيلات كمان ، والطيبين ،

وعلى ذياتهم خالص ، والحاضر يعلن الغائب .

والعاقبة عندكم في السررات ؟

* * *



المشهد الرابع التفريية

لما البير المليون بالموت
يحبل ويفيض
واما الطور المربوط ينساب م القيد
واما « ديمشلت » النايمة على ست قرون
تتهز قرونها ويصحبها اذان القطر
واما الفجر ما يطالع قبل اوانه بفجر
واما - سبحان الله - الحرامية بقدره قادر
بيقوا عمد ومشايخ
واما يحصل اجدع فصل مابيقاش بايخ
واما النكتة مهما كانت ما تضحكش ..
يحصل ايه ؟
- ما باينش ما يحصل حاجة
- لا بالتاكيد اكثر من حاجة ما تحصل
ده لان حاجات حصلت بالفعل
- لكن العالم ما اتغيرش
- انت اللي حمار مش شايف قدامك
- يا ابني حمار ايه وهباب ايه ؟
دا للجش بيتاجر في الساعة بنص جنيه
- دا لان الجش بينهم

وصحاب الجحش بتفهم
- واذت لاهؤاخذه ما بتفكرش
خليك قن ف كتبائك
فلبها كلمة كلمة ..
املا ورق الدنيا الفاضية كلام
واما توصل لحقيقة قابلنى
أنا من سابع أرض وأمى
لكنى باقراك ..
صورتك ويايا باكلها
عارف امتى ؟
لما باكون محرات فى الشغل
وانت عارفنى محرات على طول
الوقتى اننا زعلان منى .. صح ؟
أحيانا بتكون من جهتى مش زعلان
وانا بابقى فرحان
وده ما يكفىش
افتح لى سدرك زى زمان ..
رقص نى عنديك اما تشوفنى
كلهنى أسانى ناقشنى
قل لى ايه جابك للهر ؟
واقول لك ايه وأنت سيد العارفين ؟
الأصعب منه اللي كرجنى سنين
السجن فى وسط الناس

والعيشة الطين

ادعى تقاطعنى

اسمعنى للآخر ، اسمعنى ..

وابقى ان شالله تنقطعنى ..

...

ماكنتش ناوى على خروج

كان عندى استعداد اتحمل

وانا ما اتوصاش على شيل الم

وشبعت كلام ،

بكرا تروق ، وتفوق

وتدوق غلة عرقك

كان عرقى يشرب يشرب

وبيجى بلاش ..

كان فعلا بيروى اراضى عطاش

لا كان بيصحى البذرة النائمة فى الارض

بيكبرها ويخليها شجرة ضل

عمرى ما قيلت ف ضلة شجرة

وحسيت انى مرتاح

كنت با بيع عرقى فى السوق ببلاش

كان سوق الاربع موسوق بيعجول

وحمير وفحول

ولا واحد هنا كان يرجع كسبان

- اللى بيكسب يا عم الشطار

والرزق يجب الخفية
- وأنا بالعنفيه ماكنتش انا
كنت بانقى الدحريج م المية
كنت باعبي الميه بغربال
زى صاحبنا اللي بينفخ
من يومه ف قربة مقطوعة
لا مالطة • سمعت ولا حتى نشفوا دموعه
يفضل يا عيني يذن ، يذن ، يذن
واولاده يجوعوا ••

♦ ♦ ♦

ماكانش معايا حق البسبور
ولا حتى خمسة جنيه يجيبوني
لواسطة ف مصر تطلع لى
شهادة بأنى قضيت الخدمة
تتصور بعد العمر دهوه
عايزين منى شهادة خدمة
والله انتورت بقتت بشهادة يا عبرزاق
عايزين منى شهادة خدمة
وانا عمري كله راح فى الخدمة
من قبل النكسة لبعد النصر
مالقديتش يا عمى حق القطر
كان مطلوب منى حق الطيارة ••
و ١٥٠ اهيف يلهمهم منى مقال انفار
ما اطولش عليك

بالفايظ من عيهادي لحد ما أعود
والا الأرض تطلع كام عود
ويا خدهم
وسافرت
فاكر لما كان يوسف عمنعم أو ..
عبد العال يشحنا ف عربية جاز
تنقلنا للواحاح ؟
يوسف عمنعم تانى شحنا ف طيارة للبحرين
وادور - وحياتك - ع البحرين
عديك ما تشوف الا الرمل
والعربيات زى الرمل وراكباها الخواجات ..
أو ناس تماثيل م اللي بنشوفها
في القليفيونات ..
لابسين عقالات وبيرطنوا - قال - بالعربي ..
والله ما احنا عارفين نتفاهم مع دول أو مع دول ..
أول كلمة سمعناها :
- يا مصريين ..
انتو جايين هنا ليه ، عارفين ؟
« عارفين »
- من شان تشتغلوا عتالين
« عارفين بس انت وفر حسك
لم لسانك يا عم

ما تعزيتننى فى الهم

- مين اللى بيرطن فى الصف ؟

أنى يا بيه

« وانتقدت ، ما أنت عارفنى

طول عهرى صريح

ولسمانى دايمها مسحوب »

- ايش بتجول يازلة ؟

- زلة ؟ مش فاهم من فضلك معنة زلة

زلة فى بلدنا حاجة كبيرة وعيب

يضحك صاحب الشغل ويضحك

وياه اللى وياه

حتى المصريين ..

روحي تطلع مناخبرى

عليز أرفع ايدى واهقه كفين

لكن جواى صوت يلسعنى

- عيب يا عبرازق

.. اكل العيش مر

.. اكل العيش فى القرية محتاج الصبر

حاتى هنا ؟ طليب ..

وان كان اكل العيش مر هنا

أهال احنا جينا برجلينا ليه ؟

يعهر بينك يا مصر

بيتى الخربان فيكى

بالنسبة للذل هنا .. قصر

وضربنى واحد منا كفين .. وصبرت

تانى يوم - بعد الشر عليك ..
مرمفته فى الأرض ..
ضحكت عليه اللى يسوى واللى ما يسواش
فكرها الخلق هزار
- الشاطر ينزل لى باط

« وعاظونى أكثر لما جابوا

صاحب الشغل البغل اللى ما يجيبش ..

فى مصر رغيف يتفرج
أنا شفته بيضك وقت اللعب

ووقفت بغيظ

قرب هنى ، اتبسم ،

حظ اديه فى سيالة الدشداشة

وطأح لى حبة فكة

يجولهم عشرة جنيهه

وسمعت التسميف يا سعادة البديه

وقفت اللعب

قربت من المصرى ، أخويا ،

خدت ف حضنى

خدت ف حضنه ، عيطنا

وضحكنا ومن يومها بقينا صحاب

نتقاسم حتى فى المعلوم

نتقاسم فى النورم

نتقاسم حتى فى العلوم

هوه من كفر الغاب ،

كنت اسمع عنها وما اعرفهاش
فكرنى اسم بلدهم بيبك
وحكى له عنك
عن (ديمشلت) وعن كل الاصحاب
فكرنا اول حاجة عارف نعمل ايه ؟
فكرنا نعمل جوزة ، وعلناها ٠٠
من علب التموين جابيينها معانا من مصر
ايشى ادفينا ، وايشى قاها
الفلول ، والبامية والطعمية وكله
كله متعذب فى مصر
وعلنا الجوزة من علبه
اتعشنا باللى جواها
كان للواحد منا نص رغيف فى الطقة
اتحسرت على النعمة ف مصر
يا هلترى يادى ؟ انت اللى رفصت النعمة
واللا النعمة هى اللى ،
- استغفر ما تكملش
انت اللى بعزقت التبن وجيت
- فتك فى حكاية الجوزة ٠٠
دورنا على حنة غابة مالقيناهاش
يا اسطى محمد يا بتاع كفر الغاب
(الاسطى محمد كان نجار محاريت ونوارج

وسواقى أيام الفقر

والوقتى - سبحانه العاطى -

الاسطى محمد بقى نجار عمارات

وبيكسب بالمصرى ييجى هيت لطوح فى الشهر

- يا اسطى محمد يا بتاع كفر الغاب

تقدر هن كفرك تستورد غابة

- أيوه يا صاحبى

فين كفرى الوقتى وفين الغاب

أيوه يا صاحبى

شايف ، برد هنا

أصعب من صهر الغاب

- الله ؟ انت ها تعمل عيل

وان كان الراجل منا م الاول ها ينخ

ما هنكونش صحاب

نتحمل ، وماسورة بلاستك مقطومة

م اللى بانبيين منها احواش النوم تغنينا

نتفاجىء ان مفيش فى الصحرا الحفرة العجرة

معسل خالص

- ها تصرف ، وانت عارفنى

فى الزنقة بابقى ازاي

، ونفك سجائر الروثمان

ومعانا صعيدى جايب ، وياه بلاصى عسل

ما فيش

دافنه في الرمل
نعمل لزلجنا مصنع دخان
ونشد الجوزة بعزم الحبل
منها نتدفى ، ومنها ..
نتغلب على برد جهنم بالليل
❧ ❧ ❧

تخلص خدوتك لليل المسموم
بعد ما يخلص بنزين البلايص
وخلص بنزين للبلايص
واتهديننا بعيد عنك
من شغل الفاعل م النجمة لبعده العصر
يا باي .. اليوم من دول زى ١٨ أسبوع ..
في الترحيلة

والحاجة الملعونة الشغل في صهد جهنم
والنوم في التلج
مهما ولعت النار جواك
والحوجة ، البرد بينحت فيك ...

ما كنتش عارف
ازاي اللي ولحد تأييده بيخلصها ويرجع
اشعلت النوبة كتير
معنة أن « الداخل فيها مفتود »
والخارج منها مولود »
مكتوبة ف وشك اين ما تحل

الى صم الملعونة ..
- البرد بينحت فيك ..
- الحوجة بينحت فيك ..

وفين ما تروح
وعرفت أن البوز الاخض مراتى
أحلى وحياة ربنا من كل النسوان
مامو ، رغم انى باغير دراهيمى بدولارات
مازلت جعان

فى الصحرا الحفرة العجرة دهميا
ما فيش أبدا رحمة ولا نظرة ترد الروح
ولتأكدت تمام
ان الفقر اللى بنلعن أبو خاشه فى مصر
أعلى كتير من مال الدنيا هنا
وان العرق المصرى مهما كان
ما يتاقلش بمال
والنقطة منه أعلى من مليون برميل
والأغرب ان اغلب دشاديش ..
.. الزيت عارفة كده

(زى الاقطاع المستحكم فى بلدنا)

.. ما عارف قيمة عرق الشغيلة ومطنش)

يعنى لما اللى ما يسواش
.. يستورد عشرين عامل من مصر بأجرة ممكن
تحسبها بالنسبة للى بياخده منهم تلقاها بلاش
والا اللى ينشف ريقك ويبيع
قنينة اليه المعين للشغيلة بنص ريال

والله ما صدقت ان الميه •

والليه المعين تتباع

الا لما جيت وشربت الملح

• • •

سيبك ، عمرى من ابيها شغلة ما اتهديت

عمرى ماتهديت ••

انما حاسس انى على أهون شىء

وف أى مكان هاجى زرع بصل

يمكن تقتلنى الاملاح

زى ما قتلت حسان

واهو كان خطه فى الشغل احسن منى

كان صاحب الشغل بتاعه حنين

عملوه فلاح •• فلاح

انتقاتلت جواه الاملاح والبوريسيا

لا ديه غلبت ولا ديبه

زى اللى يكونوا ولاد الايه

انتفقوا عليه

جابوا داغه الأرض

لبينا حق التكنيفة ودفننا

وبعتنا نقول - لا حول الله -

يا بخته اختاره مولاه

وأناه الهاتف على فجأة وناداه

لينا حق التكفينه ودفناه ..
في بلاد اختارها الله
يا بخته قريب منه قبر رسول الله
كنا كدابين
لكننا كنا عارفين
الناس ماتصدق كدبتنا
والناس على طول بتصدق
ما هو بين البحرين والسعودية
ستين يوم بسى فى الرمل
واهو كله رمل ف رمل
اللى مدفون فيه جثمان المختار
بيوصل للى بيتاوى جنة حسان
ثما ان الأرض المدفون فيها حسان
أرض شريفه وغالية
أصغر ما فيها بيتكم عربى
وأكبر ما فيها بيتكم ٠٠٠ بترول
٠٠٠

أرجوك
ساعة الجد تشد لجامى
تمسك لى حبل لسانى
لانسى نفسى وياخذنى كلامى

واخرم على موضوع ثانى
ما انا اصلى فى الغربية رغم فلوس الغربية محروم
نفسى فى الغربية مكتوم
ارجوك ساعة الجدد تشدد لجامى
تمسك لى حبل لسانى
لانسى نفسى وياخذنى كلامى
واخرم على موضوع ثانى
ارجوك ٠٠ اخبطنى فآ راسى لجل دموعى تقىع
ولا تتخفش لما تشوفنى هاقع
دانا رغم الموت
رغم الموت
من غير دية
مبسوط !

* * *

الشهد الخامس

الرجعة ٠٠

[واحد حسودى]

أبو محمد ؟ قال ؟

أبو محمد ؟ عال

أول واحد شفته أنا

نازل م الزراعية ف تاكسى خصوصى

لباب الدار

فوق الشبكة قنصين فاكهه ،

وكرتونتين

متجصطن فدام العداد

والسواق نازل عد

فى الكرتونه الاولانيه تليفزيون

الكرتونه الثانيه فيها تسجيل

بشرايطه وراديو قرط

عبرزاق وولاده يهيصوا

تحت الجلابية جيب مخصوص للفكة

فوق الجلابية طاقية بشبكة

فوقها سمكه معوجه

- يا عبرزاق

« كان السواق رامج ما سمعنيش

- يا عبرزاق

« قام واقف فجأة ما اعرفش ازاي ؟

نازلي بسلامته ف جالبيه كحلي

خطوطها بالعرض

مليكونش قزاز بينور بالليل ؟!

شالتي الجفزة وهيدنتي في الأرض

فوقني صوته : بالحضن

نغرق في شبر حنان

نغرق في الحضن

والله زهان

الجمعة فرت من عينا الجوز

وف حضني وحضنه بقت ترعة

ونسييت العرداد

سبحان الله يا اولاد !!

الواد ده حقيقي ابن حلال

نساني كم شنطه معاه

سبحان الله !!

نساني .. ازيك ..

.. وازی الحال ..

نسانى الكرتونين

سبحان الله

- ازيك .. وازی ولادك

وولادى ، وخضرة ، وعيوشه ؟

- ازيك انت ، ويدان زيك ، ويخلليك ..

نسانى قفصين الفاكهة بناءة البحرين

- اركب

» ماركتش وياه

اللى اداه يدينا

اللى اداه

ربنا فارد جناحاته بيمد

اديه ويجينا

- بيدى المحتاج فينا

- لا بيدى اللى بيسعى ف مشاكلها

ويسعى معاه

- بيدينا الله ، لكن بحساب

- بيستمحنهم ..

- ان نجحوا ..

- ياخذوا الباقي فى الجنة

- ان شاء الله

- وان سقطوا ..
- ها يذوقوا النار نوبتين
« ما باليت موته »
« ما به عذاب القبر !! »
- نار الدنيا ، صدقنى ، يا عم الشيخ
أقوى من نار الموت
- ربنا فارد جناداته المليون
ببهد القوت
« سلمت عليه »
وهشيت
من سكة ثانية » ..

[عبرزاق جوه التاكسى]

بمشيئة المولى ..
لما ارجع ديمشلت
ما ميص لى كم يوم
بعديهم أفتح دكان
قدامه مصطبتين
واحدة رجالي
والثانية للنسوان
مشروع استثمار على قد الحال ..

واحه ٠٠٠ على قد القرش نمد الرجلين

وان صدقت وينا الشغله ٠٠

م الأرباح نشترى حبة طين

ونرجع أيها شيء م الأرض

مدين عالم ؟

يمكن يطرح في القرشين البركة

دول جايين من عين العفريت

شايلهم تحت الجلد سنة

انتاشر شهر ويومهم بالمصرى

تلاتين يوم

يوماتى احسبهم قبل النوم

واحسبهم برضك بعد النوم •

الأشيا بعد انتاشر شهر بقت معدن

العداد بيعد

وانا ف حالى باعد

عدينا بلدنا جميعها نوبتين

آنا ف حالى والناكسى ف حاله

لا بالقول له كفايه هنا

ولا هو من حاله يوقف

الناس من بره تشاور

وانا جوه طاير

م الفرحة مش شاييف حد

ولا عارف مين ده ؟

ولا مين دى ؟

خيالات ..

يمكن عيوشه والاولاد بينهم

مش شاييف حد

وكانك يا بلدنا كنتى قيامة وقامت

ما اعرفش ليه ؟

أكمن الواد عبرزاق راكب تناكس ؟

والا اكمنى رجعت ؟

اديله ..

« اديله ف عين زنبيله »

ارمح يا وابور فى سفارى الشمس

ارمح يا وابور ، أهى ليله وبس

ليلة فرحى كانوا زى اللى بودوه التربة

ليلة سفرى كانتت اسود من ليل الغربه

ارمح يا وابور واديله «

راجع مبسوط

- رابط منديله على أكثر من ألف جنيه

- آه يا ابن الابه ؟

« التناكس عليز يرجع بى تلقى »

- هـش

« التاكس حرن وكاته جهش

وضهره معفور »

- هـش

٠٠ ما يهشش »

- هـش

ما يهشش

اديله ما يهشش

عد يا عداد

ربك موجود

٠٠٠

[عيوشة]

م الفرحة الراجل كان مسطول

زى اللى راجع م القهوة

جوز رجالة ساندينه الساعة اتنين

الخلق قالوا لى جريت

سبت الحلة ع الكانون تغلى وجريت

اتعنقلت فى حلق الباب

فى اولاد القن التوم ، ما وقفنش

الا ف راس الحارة وقفت وبصيت

وما شفتنش ٠٠

- راح فين ؟
- الرجل عدى بيا عيوشة
- عدى منين ؟
- يمكن خود على دار قافية ؟
- مين عارف ؟
- يمكن شاف له شوفه واهه مسافر ؟
- جرى ايه يا اولاد ؟ دار ايه وهيايب ايه ؟
شفته معدى فى عنيه
زى الطيارة شفت الكومبيل
هو بشحمه ولحمه •
انما وشه منور زى الحجاج
مايكونش عملها يا اولاد ؟
وان كان حتى عملها ، والله ما زعلت
- استنى يا تاكسى ،
ويرمح ، زى ، اللى يكون طور واتساب
لكنه خفيف
أجرى وراه
وورايا الست عيال
وعيال الحارة
وسابع حارة
هو بيجرى والدنيا بتجرى وراه
....

[بعد مفيش ما يجيش غمضة عين]

- أنا فين ؟
- انت فـ حـضـنى يا نور العين
- انت فى دارك من جوه
- أمال فين الاولاد
- ايه هو ؟
- « الراجل لسه مسطول » !!
- لولاد قدامك اهم
- ازى الحال
- ازيك انت ،
- ويدان زيك ،
- ويخلليك •
- جايب لك جلابية وطرحة
- طول عمر اديك بتجيب لى الفرحة
- جايب للبغل دا هوا مقطع صوف
- مايسناهلوش
- اسم الله عليه
- انقا مادريتش ؟
- المواد استوظف
- اس ايه ؟
- اتوظفت يابويا ف مصنع

• • •

[عبرزاق ساعة النوم]

الواد يقى راجل فعلا

بصيت في عنيه واهمه واقف
 شفتني لما كنت ف سنه
 يفرق على .. ان عذيه
 ما فيهش عماص
 يظهر انه بيصلي على طول
 وبيغسل وشه خمس مرات في اليوم
 فرحان بيه وانا راجع
 فرحان بيه
 واخذني ف حضنه كبير
 فرحان بيه وحاسس
 باللي جوايا
 - عن اذنك يا ابا انا خارج حبه
 وجاي
 - انتفضل يا بني .
 « عمره ما استاذن
 ولا عمرى قلت انتفضل بالنحوى
 دى كلمة جديدة .. دخلت دارنا
 دارنا على فكرة ما هياش دار
 دى كلمه كبيرة وبس
 ما فيهش غير باب دوار
 وف آخر الحارة .
 وبعدين جرن ..
 وآخر الحارة الجوانبه
 قاعة تبين

كانت أيام الفقر
والوقتى وهن يوم ما وعيت
بننالم فيها
الله يرحم والدى ، وعماتى السنة
واهى واللى عايشين
اخواتى بقوا عال
وانا اللى كنت ما بينهم
أكبرهم فى الخلقة وفى الفقر
أصغرهم آه ٠٠ لكن أغناهم
٠٠ فى الفقر
هجوا واحد ورا واحد م الدار
والواحد منهم بقى صاحب دار

- ازيك يا عبرزاق
انشاء الله نبني عماره
هنا فى الجرن
هاتبقى مزنوقة شوية
ما يهمش
ما فيش ليها منافذ

برضه ما يهمش «
- ده دى سالخير يا راجل
- أهلا يا ست الستات
شدتني عيوشة م الخيالات ٠٠
مديت ايدى ناحيتها
حسيت ان اديها فيهم ماس
أهلا ياست

« الباب خبط »

واما بيوصلنا التخييط
معنتها أن بقى له ساعة ونص
بيخبط
وان الباب على غير العادة
مقفول
أو ان اللى جاى لينا متنجر
عنده ذوق

الباب خبط

- شوفى مين يا بت ..
- يادى النيلة !! ودا وقته ؟
نلقاه حد من اخوانك
« واهى ماشية ،
مش بكفاية وجمعوا دماغنا
م العصر ؟

- كانت عيوشه بترطن
وفهمت كلامها واهى على بعد بتفتح
- سالخير يا ام محمد
- الواد بقى اسمه محمد
سبحان الله
بيغير ولا يتغير
- دستور يا اسيا
- اتفضل .. اعلا
ادخل يايا الحاج

(ما حجتش ولا حاجة
كنا بنخاف منه زمان
كان بيضربنا واحنا صفار
كان خولى فى العزبة
من خوفنا حججناه ..
خير اللهم اجعله خير ..
لولا فزعوا م النوم)

- اعملى شربات يابيت

(يشرب كليلقين فى نفس واحد)

- أهلا

- أهلا يابا الحاج

- ازيك

- سلامات ياعز حبيب

(ولا هو حبيب ولا حاجة

غيرشى بس الاحراج)

- ماقدرتش اجى لك م العصر

(مانا عارفك ، ما تحبش تمشى فى الزحمة

بنفضل تاخذ حقه ناشف

بالراحاة ؟؟)

- مبروك

- على ابيه يا حاج ؟

- ع الرجعة سليم

- ليه هو انتا كنت عايزنى

ارجع مكسور

- لسه اهيل زى ما كنت

بضحك ضحكة صفرة ، من اياهم ،

يناولني سجارة

قبل ما اخدها ، اناوله

علبة روثمان ، يلهفها

ويطلع منها واحدة

ويحط العلبة ف سيالته)

- أهلا

أهلا يا بابا الـ ...

- اعملى شاي يابيت

(يلهف كبايتين ولفشاي

لسه ع النار)

- اسمع يا عبدزاق يا ابني

أنا جاي اهاديك بهدية

- خير اللهم اجعله خير

- انت ف جيبك قرشين الوقت

- لا ... بابا الحاج معايا كتير

- كله خير ... ابنك دى الوقت

كبر ، بقى راجل ... واهه

ربنا كرمه ، ووظفناه .

- وظف ... توه ...

- هو ما قاللكش ؟

- ولع يا حاج

(العلبة ف جيبه غطست ما ظلمهاش

ياخد م العلبة اللى ف ايدى سجارة .

وانا ياخذ منها سجارة ...

كانت زى اللي خارجة

من نين غنيه)

- متشكر .. وبا اقول ..
- احنا بتتوع بعض ..
- طبعا .. طبعا ..
- وانا عندي هدية
- نديها للواد
- ويتلموا بقى
- يتلموا ؟!
- مين اللي مبعزق ، لامواخذة يا حاج ؟؟
- اسمعنى يا عبرزاق
- (الراجل ناوى على نية ...
- لولاد اتعدوا على مرتبتين اسفنج
- جاييهم ويايا ف ريحنا ونلموا
- عيوشة بنتاوب جنب الباب
- وانا نفسي ف عيوشة قوى
- والحاج هباب ..
- مستعجل على بنفته ولازق)
- ماهو لازم نعمل حل
- يا حاج ، أنا جايب ويايا فلوس فعلا
- لكن علشان ..
- ما انا برضه جاي لك علشان ..
- ايه ؟ .. فيه ايه ؟
- يتلم الواد ع البيت
- فزورة
- لا .. دى جد

- ٠٠٠٠
- الواد لهديه وماجهزما مماجميعه
- ٠٠ ٠٠ وانتا ماتدفعش ولا مليم
- (الواد قاعد جنبى زى اللى يكون ملخرجش
ريحة بقة معسل خالص
آه ٠٠٠
- (آه يا ابن الكلب ٠)
- وأنت عارفنى ياسى عبرزاق
- (حلوة دى) ٠٠
- انت عارفنى راجل عاقل
- وانتا راجل جد
- أى والله يا حاج
- (عيوشمه بنعمل شأى
- ومفندجة كل عنيه ع الواد
- فاتحه ودانها علينا
- وانا زى القرهوط فى الفخ)
- يا حاج ٠ احنا ما بنجوزش ولاد
- لا ٠٠ ها اجوز بابا
- (بيقولها الواد ببجاجة
- بيفكرنى بعيل مالى عيه قطن
- وبيجى فى الغيط
- وانا باجرى وراه)
- يابنى كله بأوان ٠٠
- أنا قلت ماجوزمش الا فى حضورك
- يااااه !

- ومدام جيت ٠٠ يبقى خير البر ٠٠

- الفاتحة يا حاج

(قالتها عيوشة ٠٠

اللى تتطس ف بص عنيها

وقدعت الشاي

أتاريهم كانوا منتقين

أنا بصراحة ها استعملتش)

- عن اذنك يا حاج

- على غين ؟

- ها اخطف رجلى لحد الجامع

افك وضوئى وراج

- طب خدنى معاك ٠٠

اتمسوا بالخير يا جماعة

(يسمق قذاهى ع الباب ٠٠

يفضل واقف بيتنحج بيحى ساعة

بيتنحج وانا اقول : جاى ٠٠

وينادى عليه ،

واقول له : جاى ٠٠

١١ زهق غار فى ستين داهيه)

[فى القاعة]

الواد بينفخ ،

واهه بيتنخ ونقول :

- ماله فيها ايه ؟

حول ناس مباسيط
واللى بيطلب فوق بينط الحيط
واللى بيطلع مابينزلش
وانا عايزه افرح بالواد
وعديّة متربيّة ع الغالى
وتتفع وياه فى الغربّة
وانا نفسى ف عيوشة ومش قادر
عايز اخرج م التربة ، مش قادر
أقعد فى امان الله ، مش قادر
عايز اشوفكم ٠٠٠ مش قادر
ياباى ٠٠
وكأنك يابوزيد ما غزيت ٠٠
٠ ٠ ٠

[فى القهوة]

— ما أقدرتش أعمل حاجة
غير ابنى امسى عليكم
٠٠ جيت

- أهلا بك
- يا ميت مرحب
- واحشيني قوى
- حاجة للرئيس يا معلم
- خطبها على حسابى ياريس
- داننا ضيفنا الليلة يا عبرزاق
- ايه بنا ولاد !

انتوا فاكربنى ايه ؟
ما انتوا صحيح ماخرجتوش
لسه برضك زى زمان
ما تغيرتوش

ايه يا اولاد ؟
لاتناثير شهر اللى فاتوا
ماعدوش
والا ايه ؟!

- ما توحّد ربك يا عبرزاق

- أنا برضه ماتغيرتش

جواكم زى ماكنت

لايس جلابية جديدة وجزمة بأستك
لكن ماتغيرتش !!

شايل فى جيوبى ألفين كيلو عرق

وييجى ميه وخمسين جردل دم

وملو الترة دموع

لكن عمرى ماتغيرتش

شايل جبل الطور اللى باين قدامكو

تخن فى الغربة

دى هدموم والله ومداريه الهم

- ولع يا عم

- ولعت وكانت ليلة طابونة عبش

ولعت طابور فى الجيش •

- الله يرحم فتحي ابو غندور
- كان بيسميني لما دماغه تلف
وابور
على فكرة ٠٠٠ في البحرين الفين
فتحي ابو غندور
راكبين الصعب وصابرين
ما بلموش ولا مليح
لكن عايشين

- هو لو عايش ٠٠
- ماكانش فكر في سفر
- ماكانش طمعان في حاجة أبدا
- قضى حياته شغل وضحك
- قضى حياته ضحك وموت
- يا هل ترى يا أولاد
- لسه بييسهر بعد الموت ؟
- بيضحك مع مين ؟
- بيضحك على مين ؟
- كان بيضحك طوب الأرض
وانا كنت وابور ٠٠٠ دائما بيهب

- الله يرحم
- كنا بنضحك طول الليل
- فاكرين لما لفينا الدنيا سبعا للفجر
- لما جينا نصلى الفجر ضحكنا

- واما سرحنا لغيظ العجور
- كلنا يومها قد وابور
- ضحكوا لما شافونا
- دول ناس مساطيل
ولعت ليلتها قد وابور
- الله يرحم

في المرة دى ما قدرتش أشد لآخر الليل
فكرتوني كبرت عليكم
اخص عليكم
واما تعبتي

مش انتو برضو اللي
شلتوني لحد الدار

آ اه يا ولاد

كنت فآخر الدنيا حمار

آ اه يا ولاد

لما تعبتي هناك

كان الموت اهون بكثير

كان الموت اهون م الموت

الى بيعيا هناك ..

يرجع بلده والا يموت ؟

يرجع بلده والا يموت ؟

- يرجع بلده

* * *

الحتوى	صفحة
● الامضاء	٣
● اشارات هامة	٥
● المشهد الأول (الغول)	٧
● المشهد الثانى (عبرزاق)	١٥
● المشهد الثالث (القطر)	٣١
● المشهد الرابع (التغريبة)	٤١
● المشهد الخامس (الرجعة)	٥٥

● ديمشلت - دكرنس - الدقهلية

● أرض اللواء - الجيزة

● شارع دنا - الاسكندرية

● كتبت فى الفترة

من ١٩٧٣ حتى ١٩٨٠

مطبوعات الفجر
كتابات أدبية غير دورية
يصدرها أعضاء
جماعة الفجر الأدبية
على نفقتهم

المشرفون
عبد العال الحماصي
يسرى العزب
محمد مستجاب
محمد سليمان

المشرف المسئول

يسرى العزب

أرض اللواء - الهرم

١٥ شارع محمد منصور

ت : ٨٥٩٢٤٢

اسهم اتحاد كتاب مصر في طبع هذا الكتاب

رقم الايداع ٨٤/٥٠٩٣

دار المصون
للطباعة والنشر

امام سنن ترمذ - الطالبة - جيزة - ت : ٨٥٦٨٢٠